

**310**

Pravosudna komisija Brčko distrikta Bosne i Hercegovine, na osnovu odredbe člana 71 Statuta Brčko distrikta Bosne i Hercegovine – prečišćeni tekst (Službeni glasnik Brčko distrikta Bosne i Hercegovine, broj 2/10), odredbe člana 14 Zakona o Pravosudnoj komisiji Brčko distrikta Bosne i Hercegovine (Službeni glasnik Brčko distrikta Bosne i Hercegovine, br. 19/07, 20/07 i 2/08) i odredbe člana 186 Zakona o izvršnom postupku Brčko distrikta Bosne i Hercegovine (Službeni glasnik Brčko distrikta Bosne i Hercegovine, br. 39/13 i 47/17), na 208. redovnoj sjednici održanoj 9. 9. 2019. godine, donosi

**PRAVILNIK  
O OBLIKU I SADRŽAJU IZJAVE O ZAPLJENI PO  
PRISTANKU DUŽNIKA**

**Član 1****(Predmet Pravilnika)**

Ovim pravilnikom propisuju se oblik i sadržaj izjave o zapljeni po pristanku dužnika, koju u skladu s članom 186 Zakona o izvršnom postupku Brčko distrikta Bosne i Hercegovine izdaje dužnik da se radi naplate potraživanja povjerioca zapljeni njegova plata i sredstva sa računa u banci, osim u dijelu u kojem je to primanje izuzeto od izvršenja (u daljnjem tekstu: Izjava).

**Član 2****(Način davanja Izjave)**

- (1) Obrazac Izjave štampan je uz ovaj pravilnik i čini njegov sastavni dio.
- (2) Izjava se izdaje na štampanom obrascu popunjena jasno i čitko rukom ili mehaničkim sredstvom pisanja. Izjava može u cijelosti biti ispisana i na računaru prema tekstu obrasca.
- (3) Iznos potraživanja upisuje se slovima i brojevima. U slučaju neslaganja, vrijedi iznos napisan slovima. Ostali brojevi i datumi upisuju se samo brojevima. Datum rođenja se ne upisuje. Prazna mjesta u tekstu nije potrebno popuniti crtama.

**Član 3****(Format obrasca)**

- (1) Obrazac Izjave sastoji se od dvije stranice na kojima je otisnut tekst propisan ovim pravilnikom.
- (2) Oznaka stranice obrasca nalazi se u njegovom desnom gornjem uglu i glasi: „Obrazac Izjave – stranica (od 1 do 2)“.

**Član 4****(Sadržaj prve stranice Izjave)**

- (1) Na prvoj stranici Izjave nalazi se naziv obrasca: Izjava o zapljeni po pristanku dužnika, te izjava dužnika koja se sastoji od:
  - a) podataka o dužniku – ime i prezime, prebivalište i jedinstveni matični broj (JMBG),
  - b) podataka o povjeriocu – naziv pravnog lica odnosno ime i prezime fizičkog lica, sjedište i adresa odnosno prebivalište i jedinstveni identifikacioni broj obveznika (JIB) odnosno jedinstveni matični broj (JMBG),
  - c) izjava dužnika da je saglasan da se radi naplate potraživanja povjerioca u iznosu glavnice uvećane za ugovorne kamate i ostale sporedne tražbine, ako ih ima, te sa zateznim kamatama koje teku od dana dospijea određenog od strane povjerioca po stopi koja ne može biti viša od stope propisane zakonom, zapljeni njegova plata i sredstva sa računa u banci, osim u dijelu u kojem je to primanje izuzeto od izvršenja,
  - d) naznaku da se isprava izdaje u jednom primjerku i da ima značaj pravnog posla iz odredbe člana 86 stava 1 Zakona o izvršnom postupku Brčko distrikta BiH, te pravno dejstvo pravosnažnog rješenja o izvršenju,
  - e) naznaku da ovu ispravu s djelovanjem dostave rješenja o izvršenju poslodavcu dostavlja tražilac izvršenja preporučenom poštanskom pošiljkom s povratnicom,
  - f) naznaku da zapljena na osnovu saglasnosti izvršenika nema uticaja na sprovođenje izvršenja na plati radi namirenja potraživanja po osnovu zakonskog izdržavanja, naknade štete nastale po osnovu narušenja

zdravlja ili smanjenja, odnosno gubitka radne sposobnosti i naknade štete po osnovu izgubljenog izdržavanja zbog smrti davaoca izdržavanja,

- g) mjesta i datuma izdavanja izjave,
- h) potpisa dužnika.

- (2) Na dnu prve stranice Izjave nalaze se napomene o načinu ovjere.

**Član 5****(Sadržaj druge stranice Izjave)**

Na drugoj stranici Izjave nalazi se prazno mjesto za ovjeru (potvrdu) isprave.

**Član 6****(Stupanje na snagu Pravilnika)**

Ovaj pravilnik stupa na snagu prvog dana od dana objave u Službenom glasniku Brčko distrikta Bosne i Hercegovine.

Brčko, 09.09.2019. godine

Broj: SuPK-1486/19 od 9. 9. 2019. godine

**PREDSJEDNIK  
PRAVOSUDNE KOMISIJE  
Safet Pizović, s. r.**

**OBRAZAC Izjave o zapljeni po pristanku dužnika**

stranica 1

**IZJAVA O ZAPLJENI PO PRISTANKU DUŽNIKA**

Ja,

---

(navesti ime i prezime, prebivalište i JMBG)

kao dužnik, u skladu s odredbom člana 186 Zakona o izvršnom postupku Brčko distrikta BiH (Službeni glasnik Brčko distrikta BiH, br. 39/13 i 47/17), ovom ispravom ovjerenom kod nadležnog organa, dajem saglasnost da se radi naplate potraživanja povjerioca

---

(navesti naziv pravnog lica, ime i prezime za fizičko lice, sjedište i adresu odnosno prebivalište i JMBG tj. JIB povjerioca)

u iznosu od

---

(navesti iznos potraživanja brojem i slovima)

uvećane za ugovorene kamate i ostale sporedne tražbine, ako ih ima, te sa zateznim kamatama koje teku od dana dospijeca određenog od strane povjerioca po stopi koja ne može biti viša od stope propisane zakonom, zapljene moja plata i sredstava sa računa u banci, osim u dijelu kojem je to primanje izuzeto od izvršenja.

Ova isprava se izdaje u jednom primjerku i ima značaj pravnog posla iz odredbe člana 83 stava 1 Zakona o izvršnom postupku Brčko distrikta BiH i pravno dejstvo pravosnažnog rješenja o izvršenju.

Ovu ispravu s djelovanjem dostave rješenja o izvršenju poslodavcu dostavlja tražilac izvršenja preporučenom poštanskom pošiljkom s povratnicom.

Zapljena na osnovu saglasnosti izvršenika nema uticaja na sprovođenje izvršenja na plati radi namirenja potraživanja po osnovu zakonskog izdržavanja, naknade štete nastale po osnovu narušenja zdravlja ili smanjenja, odnosno gubitka radne sposobnosti i naknade štete po osnovu izgubljenog izdržavanja zbog smrti davaoca izdržavanja.

Mjesto i datum davanja izjave:  
dužnika:

Potpis

**Napomena:**

**Ovjeru ove isprave može** izvršiti sud ili notar.

